



# Synfocity = 438

16<sup>th</sup> May, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ Pentikos Ni

May 19 (Pathianni) hi Pentikos Ni a ni. Pentikos tih awmzia hi 'Sawmngana' tihna a ni. Thuthlung Hlui-ah chuan Kalhlen Kut tiak ni atanga ni sawmnganaah an hmang thin. Thuthlung Thar hunah erawh chuan Isua Thawhleleh tuk (Easter) atanga ni 50-naah hman a ni ta a ni. Presbyterian Kohhran chuan Pentikos ni hi Assembly puala tawngtai rual hun atan a hmang thin. India Hmarchhaka Presbyterian Inkhawmpui (Assembly) vawi 20-na, April 28 -30, 1972-a Churachanpur-a neih tumin hetiang hian rel a ni :-

*Pentikos Ni hi Chanchin Tha hrihna (Evangelism) atana Tawngtai Ni-ah kum tin hman a ni ang a. Hemi nia thilpek lakkhawm Kohhran zawng zawngin he mi atan hian an dah hrang ang a, thilpek la khawm thei lo an awm erawh chuan tawngtaina tal an hmang tho ang. ( Assembly Thurel No. 3, April 28, 1972 ).*

Kumin Pentikos Ni-a Inkhawm dan tur hetiang hian ruahman a ni:

### ❖ Chawhma Inkhawm

Thupui : Thlarau thuhmun an chang

Chhiar tûr : Tirhkohte 2:1-13

### ❖ Zan Inkhawm

Thupui : Thlarau rah

Chhiar tûr : Galatia 5: 22-26

Zan Inkhawmah hian PCI General Assembly puala thawhlawm khawn a ni ang a, Bial Treasurer kaltlangin Synod Office-ah theh luh tur a ni. PCI General Assembly Headquarters:Shillong atangin thuchah chhiar chhuah tur leh tawngtaina thupui tur duan a ni a, thuchah hi phek 4-naah tarlan a ni a, tawngtaina thupui turte -

### I Lawmthu sawina :

- 1) PCI General Assembly leh Synod-te ramthar rawngbawlna hmasawn zel avanga lawmthu sawina
- 2) Ramthara Missionary-te leh an rawngbawlna avanga lawmthu sawina
- 3) Kohhran leh Ramthar Field-a ringthar kan neih belh zel avangin.

### II Tawngtai sak tur :

- 1) Council For World Mission (CWM) hnuaiia kan Missionary-te tan
- 2) Mission hna thawktu :
  - Halflong-a Dimasa-ho zinga thawktute
  - Manipur-a Mangjing leh Sekmai field-a thawktute
  - Ri Bhoi Synod hnuaiia Amjong leh Marngar-a thawktute
  - KJP Synod Mihngi huam chhunga Barwai-a thawktute
- 3) Synod ten India leh Ram pawna missionary an tih chhuahte tan
- 4) Administrative Secretary pathumte leh an chungkua theuhte tan
  - Rev S.S. Majaw, Rev David T.Lhouvum & Rev. V.L. Luaia Hranleh
- 5) General Assembly Office-a thawktu dang mi 9-te tan
- 6) PCI General Assembly hnuaiia Synod-te thawhona leh inpumkhatna tha zawk a lo awm zel theih nan

## □ Pastors' Retreat 2013

May 14 - 17 chung hian Mizoram Presbyterian Church Synod hnuaiia Pastor-te pualin Aizawl Theological College (ATC)-ah Intuaitarna (Retreat) neih mek a ni a, thupuih 'Berampu Tha' tih an hmang.

Pastor-te intuaitarna, Pastors' Retreat hi kum khat dana neih thin a ni a, Pastor thawklai leh pension tawhte, ram chung leh pawna mite tel vek tura beisei an ni thin.

May 14 (Thawhlelni) zan khan retreat hawna inkhawm neih a ni a, Rev. Lalramliana Pachuau, Synod Moderator-in inlawmna thu a sawi a, Rev. Vanlalzuata, Senior Executive Secretary-in Keynote Address a pe bawk. Retreat neih chung hian thupui zirho turte chu : Berampu Tha - Tunlai Khawvelah - Rev. Dr. C. Lalhlira, Berampu Tha - Thlarau nunah : Rev. R. Lalchangeliana, Berampu Tha - Inpeknaah : Rev. K. Lalhmuchhuaka, Berampu Tha - Thawhhonaah : Rev. F. Lalthananga, Berampu Tha - Personal Evangelism-ah : Rev. Lalneihvura, Berampu Tha - Thuhrihlah : Rev. Lianhmingthanga Sailo

Thupui ngaihthlak zawhah hian sawihona hun hman zel tura ruahman a ni. Vawiin (May 16) chawhnu hian General Discussion neih a ni ang a, zanah Inthlahna Thuchah Synod Moderator Rev. Lalramliana Pachuau-in a sawi ang a, May 17 (Zirtawpni) zing dar 6:00-ah Inthlantharna tawngtairual neih a ni ang a, retreat khar nghal a ni ang.

## □ Campus Ministry-in Life Skills Workshop buatsaih

Campus Ministry chuan Mamit DEO leh SDEO te nena tangkawpin May 10 (Zirtawpni) nilengin Mamit Chhim Veng YMA hall-ah Life Skills of a teacher tih thupui hmangin Workshop an buatsaih a. He Workshop-ah hian Mamit, Dampui, N.Sabual, Phaizau, Bawngva, Darlak khaw chung hian Sawrkar leh Private Elementary school atanga Higher Secondary School zirtirtu mi 294 an tel a ni.

Chawhma programme chu Rev. V.Lalkima, Mamit Pastor-in a kaihuai a, Pu Lalrammawia Kawlni DEO Mamit-in thuchah tawi a sawi a. Rev.V.L.Kroschuanmawia, Co-ordinator Campus Ministry-in Campus Ministry kalphung leh workshop ruahman anih chhante a sawifah a. Life Skill of a teacher with special reference to Value Education tih thupui a sawi zui. Sawiho tura chhawpchhuahte tha takin sawi ho zui a ni.

Chawhnuah Rev. P.C.Malsawmtluanga, Mamit Hmunsam Bialtu Pastor-in a kaihuai a. Pu Micky Lalenkawla, SDEO, Mamit-in thuchah tawi a sawi a. Dr. Lalthansangi, New Capital Complex-in Life Skills of a teacher and dealing with the students tih thupui chu ngaihnaawm takin a sawi a. Sawihona tha tak neih zui a ni bawk. He workshop-ah hian Life Skill Education hi tunlai zirlaite mamawh tak anih avangin zirlaite kum mil zela zirlaia mumal taka dah tha an ti a ni.

He mi ni (May 10) vek hian DEO, Mamit ruahman-in Mamit High School leh Higher Secondary School zirlaite tan Career Guidance Awareness programme Gov't Mamit High School-ah hman a ni bawk a. Chawhma lamah Pu Micky Lalenkawla, SDEO-in thu a sawi a, chawhnu lamah Rev.V.L.Krosschuanmawia, Co-ordinator, Campus Ministry chuan thuchah a sawi bawk. Zirlaite an kal thain thusawi pawh an dawngsawng tha hle.

Campus Ministry hi Mizoram Presbyterian Kohhran-in kohhran pawl hrang hrang thliar lo va, zirna ina rawng bawl tura a din a ni a. Zirna inah devotion, Bible study, crusade, camping leh zirlaite nun khawih thil pawimawhte zirpuiin

Contd,...

hun an hmang thin a. Students' helpline (9856883377) pawh kalpui mek a ni. Darkar 24 chhungin eng hunah pawh biak theih a ni. Hei bakah hian zirlaite counseling an pe thin bawk.

He workshop ang hi December 12, 2012 khan Aizawl khawchhung hmun 11-ah neih a ni tawh a. May 3, 2013 khan Saitualah neih leh tawh a ni a. Champhai, Kolasib leh Serchhip-ah pawh kumin chhunga neih tum a ni bawk.

☐ **Synod Relief Fund atangin tanpuina pe**

May 14 (Thawhlehi) khan Rev. Lalramliana Pachuau, Synod Moderator chuan Synod Relief Fund atangin Laipuitlang leh Ramhlun Venglai leimin tuarte tanpuina a hlan a, Aizawl khaw pawn lam a mi chu Pastor te kaltlangin pek tura ruahman a ni. Tanpuina pek dan hetiang a ni :

- ◆ Mitthi 17 - Rs. 10,000/- theuh
- ◆ Hliam 6 - Rs. 5,000/- theuh
- ◆ Inchhia 11 - Rs. 5,000/- theuh
- ◆ Hnatlang thingpui lumna - Rs. 10,000/-

Heng bakah hian Synod Relief Fund atangin tunhnaia chhiat tawkte hnenah hetiang hian tanpuina pek a ni bawk :

- ◆ Thlipui tuar (Kolasib Diakkawn Bial) - Chhungkaw 3
- ◆ Thlipui tuar (Thuampui Bial) - Chhungkaw 7
- ◆ Kangmei tuar (Vairengte Chhim Veng) - Chhungkaw 1
- ◆ Thlipui tuar (Damdiai, Mamit Bial) - Chhungkaw 37

☐ **Whit Monday**

May 20 (Thawhtanni) hi Whit Monday a ni a, Synod Office leh Synod Department hrang hrangte an chawl ang.

☐ **Kristian Thalai Pawl**

- ◆ Association for Voluntary Blood Donation (AVBD) te ngenna angin CKTP chuan May thla atang hian Thisen Pek dan tur ruahman Blood Donation Calendar a siam a, May thla chung hian Aizawl Civil Hospital-ah Armed Veng Bial (Branch 4) leh Chhinga Veng Bial (Branch 4) ten an pe ang a, Synod Hospital-ah Dawrpui Bial (Branch 3) leh Electric Veng Bial (Branch 3) ten thisen an pe ang.

- ◆ Central KTP committee chuan Kum 2014 KTP Gen. Conference/Diamond Jubilee pual Hla Bu buatsaih tha a ti a. Hla thawh duh tan July 15, 2013 aia tlai lovah CKTP Office-ah theh luh tur a ni. Hla phuahtu chanchin tawi, a hla phuah chanchin tawi leh a phuahtu contact no. chiang taka ziak lan tur a ni bawk.

- ◆ May 18 (Inrinni) hian Sialsukah Bial huap Leadership Training neih a ni dawn a, training neihpui tur hian Tual Upa Zohmangaiha (Fin. Secy) leh Dr. Lalliansanga (Com. Member) te an kal ang.

☐ **MSSU**

May 18 (Inrinni) hian Melthum Kohhran leh Chawnpui Vengthlang Kohhranah Sunday School Zirtirtu Training neih a ni dawn a, training neihpui tur hian Melthum Kohhranah T. Upa Lalthahluna Ralte, MSSU Asst. Coordinator; Upa K. Zoremsanga, Kulikawn leh Pu T.C. Lalmangaiha, Leitan (MSSU Trainers) te an kal ang a, zan Pathian biak inkhawmah Upa Zoremsangan fanau enkawl (Child Evangelism) chungchang thuchah a sawi ang. Chawnpui Vengthlang Kohhranah Pu John Lalhruiitluanga, MSSU Asst. Coordinator; Upa B. Lalhmunliana, Bethlehem Venglai leh Pu F. Lalenghluna, Ramhlun Vengthar (MSSU Trainers) te an kal ang a, zan Pathian biak inkhawmah Pu John Lalhruiitluangan fanau enkawl (Child Evangelism) chungchang thuchah a sawi ang.

MSSU hian kumin (2013) chhungin training neihpui tura sawmna hmun 49 atangin an dawng tawh a, heng zinga 35-ah te training neihpui tawh a ni.

☐ **Kohhran Hmeichhia**

May 17 (Zirtawpni) hian Chhinga Veng Bial huapin Chhinga Vengthlang Kohhranah Leadership Training neih a ni dawn a, hemi neihpui tur hian Central Kohhran Hmeichhe hruaitu Pi H. Lalpianthangi, General Secretary leh Pi Maria Lalchhanhimi, Committee Member-te an kal ang.

☐ **Hruaina Eng FM Radio & TV Programme**

- ◆ **MAY 17 (FM Zoawi Aizawl @ 7:30 p.m.) :**

**Choir :** TBZ choir - Ka thlarauvin krista ah chuah, Aizawl Venglai Kohhran Zaipawl - Thian duhawm, **Solo :** Lalmachhuana - Hnehna hla, Anchovy - Eloi Eloi, ATC Male Voice - Lawmnatur hlir alo ni si, **Thuchah :** F. Lalenghluna - Nu leh Pa thu awih

- ◆ **MAY 17 (FM Lunglei @ 7:30 p.m.) :**

**Choir :** TBZ choir - Ka thlarauvin krista ah chuah, **Solo/Group :** ATC Male Voice - Lawmna tur hlir alo ni si, Anchovy - Eloi Eloi, **News tawi, Thuchah :** Upa Bonny Lalrindika - Thalaite hnenah thurawn

- ◆ **MAY 19 (TV Programme @ 3:00 p.m. :**

**Choir :** Gospel Melodious Choir - Thlarau thianghlim rawn tir ang che, **Sermon :** Rev. Vanlalzuata - Pentikos Pathianni Pual, **Choir :** Ngopa Pastor Bial - Chhandamtu nunnem, **Bihchianna :** Synod Rescue Home, **Solo :** Lalrinawma - Thlarau Thianghlim kan ngen, **Playback :** Dawrpui, **Choir :** Sateek Bial Zaipawl - Lalpa tlangah, Chaltlang South Kohhran Hmeichhia - Buhfaitham

☐ **Susamachar Prasaran Programme**

**MAY 19 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo :** Bungkawn Masihi Sangati - Pyar ka sangar, **Group/Choir/Solo :** Republic Veng Masihi Sangati - Chalo mere sath, **Sermon :** Rev Laltharzuata - Sansar se Prem na karo, **Group/Choir/Solo :** The Leprosy Mission Choir - Hame Sab Kuch Vo De Ta, **Group/Choir/Solo :** Salem Veng Masihi Sangati

☐ **Moderator Programme**

Synod Moderator Rev. Lalramliana Pachuau chuan tunkar tawpah hetiang hian hun a hmang ang :

- May 14 - 17 - Pastor Retreat, ATC
- May 18 (Inrinni) - Aizawl to Phuaibuang
- May 19 (Pathianni) - Phuaibuang Bial Kohhran tlawh
- May 20 (Thawhtanni) - Phuaibuang to Aizawl

